

Caso DIARIO versus Nel Oduber

ORANJESTAD (AAN): Ayera tabata tin e caso den corte, DIARIO versus Nelson Orlando Oduber /MEP/ Gobierno.

Pa redaccion di DIARIO, e caso aki tabata uno di principio, unda cu DIARIO a scoge e caminda legal pa bay corte, basa riba demanda di esnan ariba menciona.

Na ningun momento DIARIO no a instiga, intimida, manipula, of den cualkier forma trata di influencia opinion publico, compara cu loke nos opositornan, den e caso aki mester menciona bon cla, SR Nelson Oduber lider di MEP, partido MEP y nan aliadonan di radio ciegame te liga na partido MEP, a haci.

Nos ta biba den un democracia, caminda danki DIOS ainda constitucion di pais Aruba ta garantiza libertad di expresion/libertad di prensa, aunque cu pa Nel Oduber como lider di MEP esaki no ta un derecho mas, ni pa DIARIO, ni pa cualkier persona cu no ta bay di acuerdo cu loke Nel di MEP y consorcio ta kere di por impone riba nan mesun hendenan y pa pueblo en general.

DIARIO su tarea primordial ta pa informa pueblo y tambe pa nos mas cardinal ta, señala y cuestiona y bringa cualkier acto di corrupcion cu lo por of ta perhudica e pueblo di Aruba.

DIARIO a nace basa riba e ideanan y e ideologia aki, hunto cu libertador Betico Croes, en feliz memoria.

Tristo tabata ayera ora cu personal di DIARIO a acudi na corte pa na un manera independiente y informal atende e caso di Nel Oduber/MEP/Gobierno versus DIARIO pa nos personal y familiarnan di Jossy Mansur worde confronta cu un grupito di hendenan di MEP, influencia door di lider di MEP y consorcio, cu intimidacion, insultonan baho y vil y te hasta unda mamanan cu no tin nada di haci cu henter e asunto aki, ta worde humilia y insulta y lo peor unda cu un grupito di MEP publicamente ta lanza atakenan y menaza di morto contra famia Mansur y personal di DIARIO en general. Mas tristo y mas cuestionable ta, cu e radio emisora liga ciegame te na partido MEP, a trata pa dianan largo na instiga y cucuja nan oyentenan di MEP, pa supuestamente bay den caravana of grupo di 25 mil votador cu tanto lider di MEP, Nel Oduber ta gabay ta menaza tur hende cu no ta



MEP cune, cu apenas un par di cien hende na a logra di acumula dilanti di edificio di corte.

DIARIO a bay corte pa defende y para pa loke DIARIO ta significa en gen-

eral como matutino, pero tambe como e unico defensor di pueblo y ningun momento DIARIO a ni influencia of instiga ni un solo alma relaciona cu e caso den corte. Laga cada ken saca su con-

clusion y usa su sano huicio, pa loke ta trata e caso di ayera, unda cu te hasta loke personal di DARIO tabata sinti si como paña, tabata un dolor pa contrincantenan. DIOS salha Aruba.

LIBERTAD DI BANDERA!!



BEST DEAL
PARADERA

BEST SHOPPING DEAL


Turibana Plaza

LAS AMERICAS

Pariba di Burger King
(Caya Grandi)

Brentwood

Electric Single
Burner



Electric Single Burner
Afl. 39,95